

JEUGLES– Jesus se geboorte

Reëlins vir die aand:

- Graad 3-12's bly in die kerk agter
- Tydens die skattejag gaan trek die Graad R-2's aan as herders en engeltjies
- Wanneer hulle klaar is word die kersverhaal gelees terwyl van die leiers en groter kinders die hoofkarakters van die kersverhaal speel en die kleintjies as herders en engeltjies.
- Print asb die "Om iemand na Jesus toe te lei" ook vir jou uit en maak seker jy weet hoe di twerk.

1. PRAISE EN WORSHIP

2. YSBREKER: Skattejag

3. KERSSPEL: Die verhaal van Jesus se geboorte

Die verhaal van Jesus se geboorte begin met 'n jong meisie met die naam Maria. Maria was 'n jong meisie wat in Nasaret gebly het. Terwyl sy eendag by haar huisie besig was, staan daar skielik 'n engel by haar. Maria het baie groot geskrik, maar die engel sê vir haar. Moenie bang wees nie Maria, want ek bring vir jou goeie nuus. Jy gaan swanger word en 'n Seun in die wêreld bring en jy moet Hom Jesus noem.

Maria was baie verbaas en sê vir die engel dat dit onmoontlik is, want sy het nie 'n man nie, maar die engel sê vir haar : die Here sal dit laat gebeur en daarom sal die een wat gebore word die Seun van God genoem word.

Maria sê toe vir die engel: laat met my gebeur soos die Here wil. Die engel het toe van Maria af weggegaan.

Keiser Augustus het 'n bevel uitgevaardig dat almal in sy ryk getel moes word. Almal moes hulle in hulle eie stad laat inskryf. Josef en Maria moes van Nasaret gaan om hulle te laat inskryf. Toe hulle in Betlehem kom, was al die herberge vol, daar was vir hulle geen slaapplek nie. Uiteindelik het hulle slaapplek in 'n skoon stal gekry. Daardie nag is Maria se baba daar in die stal gebore, sy naam was Jesus. Maria het hom in doeke toegedraai en in die krip neergelê.

In die velde buite Betlehem was herders wat hulle skape opgepas het. Terwyl hulle so bymekaar sit, staan daar skielik 'n engel by hulle. Hulle het baie groot geskrik, maar die engel sê vir hulle: Moenie bang wees nie, want ek bring vir julle 'n goeie tyding van groot blydschap wat vir die hele volk bestem is. Vandag is daar vir julle in die stad van Dawid die Verlosser gebore, Christus die Here. En dit is vir julle die teken, julle sal 'n kindjie vind wat in doeke toegedraai is en in 'n krip lê. Skielik was daar saam met die engel 'n menigte engele wat God prys.

Toe het die engele weer weggegaan. Die herders praat met mekaar oor hierdie wonderlike nuus wat hulle gekry het, en besluit om na Betlehem te gaan en te sien wat gebeur het. Daar in die stal het hulle vir Koning Jesus, Josef en Maria gekry. Dit was net soos die engel vir hulle vertel het, en hulle was baie bly gewees.

In 'n ver land het wyse manne gebly wat die sterre bestudeer het. Eendag sien hulle 'n vreemde nuwe ster in die hemel. Hulle was baie opgewonde want hierdie ster het beteken dat daar 'n nuwe koning gebore is. Hulle besluit toe om na hierdie koning te gaan soek.

Die ster wat hulle gesien het, het al voor hulle uitgegaan en toe hulle in Betlehem kom, het die ster gaan staan reg bokant die plek waar Josef, Maria en Jesus was. Die wyses het vir Josef en Maria vertel van die ster wat hulle na Betlehem gelei het en dat hierdie ster wys dat daar 'n nuwe koning gebore is. Toe het hulle neergekniel en hulle geskenke vir Jesus gegee: goud, wierook en mire.

Sjoe, dit bly maar 'n mooi verhaal, maar die wonderlikste van alles is dat dit nie die einde van Jesus se verhaal is nie, dis maar net die begin. Jesus het later aan 'n aaklige kruis gehang vir my en jou sondes, sodat ons nie hel toe hoef te gaan nie. Hy is dood aan die kruis, maar God het Hom na drie dae weer lewendig gemaak, en Hy het na 40 dae teruggegaan hemel toe.

Met Jesus se geboorte en dood, het God vir my en jou 'n plan en 'n manier gemaak om eendag by hulle in die hemel te wees, maar dit kan ons NET doen as ons ons harte en ons lewens vir Jesus gee, dis AL wat ons het om vir Jesus te gee, en dis AL wat Hy van ons vra, ons harte en dat ons, ons lewens vir HOM moet leef.

4. KERSFEES:

Kersfees is seker een van die grootste feeste wat vandag reg oor die wêreld gevier word. Maar baie mense weet nie mooi waaroor Kersfees gaan nie. Vir baie mense gaan Kersfees daaroor om geskenke te kry.

Soms loop kinders vir dae met 'n lang gesig rond omdat hulle nie die geskenk wat hulle wou hê gekry het nie.

Maar vir as as Christene is Kersfees die fees van Jesus. Ons vier die geboorte van Jesus, God se geskenk vir die wêreld.

Vraag: Hoekom sê ek Jesus is God se geskenk vir die wêreld?

Jesus het aarde toe gekom, hier groot geword, sodat Hy eendag aan 'n kruis kon sterf vir my en jou sondes. Jesus het aan die kruis gesterf sodat my en jou sondes weggewas kan word.

Die Bybel sê God het die wêreld so lief gehad dat Hy sy enigste Seun gegee het, sodat elkeen wat in Hom glo nie verlore mag gaan nie, maar die ewige lewe kan hê.

Jesus het die grootste geskenk gegee – Sy lewe! Kersfees gaan oor gee. Dit gaan oor ek en jy wat ons lewe vir Jesus gee omdat Hy klaar sy lewe vir ons gegee het. Nou leef ons nie meer vir onself nie, maar ons leef vir Hom.

As daar iemand is wat hulle harte graag vir Jesus wil gee, dan bly hulle na die tyd by hulle leiers agter en die begelei hulle.

5. SLUIT AF MET GEBED IN JULLE GROEP EN GEE SELFONE TERUG

